

ADVOCATORVM  
SACRI CONSISTORII  
SYLLABVM  
CAROLVS CARTHARIVS  
EX VRBE VETERI  
EORVNDEN DECANVS  
ET ARCHIVI APOSTOLICI MOLIS HADRIANÆ PRÆFECTVS  
EXARABAT.



ALMA IN VRBE SVPERIORVM ASSENSV  
ANNO MDCLVI. AB ORBE REDEMPTO  
ZENOBIVS MASOTTVS TYPIS CAMERALIBVS IMPRIMEBAT.



**F**RANCISCVS CVLPELLVS Bononiensis . Ex Antonio, Annibalis I. C. Cultelli, & Iulia, Cæsaris de Zanis de Bononia natus . Mense Octobris 1592. in vtroque iure laureatus fuit in Patria . Nicolao Zambeccario Consistoriali Aduocato vita functo, Gregorius XV. in vacantem locum Fabium Albergatum ipsius Pontificis affinem ( Nicolai Albergati S. R. E. Cardinalis Ludouisi nuncupati germanum fratrem ) designauerat, sed repentina Fabij inter Patres Societatis Iesu aggregatio promulgationem prohibuit . Viuebat Cultellus in foris Vrbis versatissimus , Fabricæq. Vaticanæ Basilicæ Aduocatus, dum anno 1622. Aduocatorum Consistorialium Consortio datus fuit . Aduocati pauperum coadiutoriam gessit . Romani Gymnasij Reçtor sæpius deinde deputatus . In publico Consistorio, die Iouis prima Aprilis 1632. conuocato, eleganti oratione præclara Hieronymi Æmiliani, Congregationis Somaschæ fundatoris, facinora indicauit . Decanatum Collegij anno 1643. a Rubeo dimissum optauit . Eodem anno, dieq. tertia Decembris in publico Consistorio Iosephi a Leonissa Ordinis Capuccinorum virtutes enarrauit . Anno 1647. mense Septembris die Mercurij 18. hora 16. ætatis suæ anno 75. mortalia deseruit, & in postremo, quod condidit, suæ voluntatis elogio, erga Aduocatorum Consistorialium Collegium, benevolentiam patefecit : Sequenti die in sacra Prædicatorum Æde, præsentibus Collegis Aduocatis, Studijq. Professoribus, solemnè funere iustis perfolutis, fuit ibi cadauer terræ traditum . Floruit in Vrbe Franciscus Christiana pietate, legumq. peritia non exiguè commendandus; Ludouisijs Principibus charus, & ipsorum vberius munificentiam, expertus fuisset, nisi Gregorij XV. mors spem succidisset . De ipso Alidosius inter Iuriconsultos Bononienses pag. 88. *Francesco d'Antonio dal Coltello . . . d' Ottobre 1592. E nel Collegio de' Giudici : & in appendice pag. 26. Francesco Coltelli 1592. E nel Collegio civile, & Auocato Concistoriale in luoco del Zambeccari . Ha in Stampa Consigli , at quoad Consilia, æquiuocum cum Francisco patruo, opinor .*

Romana emicuit in Aula Franciscus Cultellus senior, Antonij germanus frater, Francisci nostri patruus, Iureconsultus insignis, qui a Farin. q. 39. de indit. & tortur. nu. 116. appellatur *celeberrimus illius temporis Aduocatus*, & eius Consilium ibi annexitur : num. 147. *doctissimus* : & conf. 136. num. 17. *famosissimus* nuncupatur : iterumq. in tit. de var. ac diuers. quæst. q. 103. alterum ipsius Responsum inserens, vocat illum num. 222. *doctissimum virum Franciscum Cultellum Bononiensem, dum vixit, in criminali materia primarium Vrbis Aduocatum* . De eodem sic loquitur epitaphium, in Prædicatorum Romano Templo marmore extructum .

Francisco Cultello nobili Bononiensi I. V. C. Præclarissimo  
ob spectatam eius integritatem, cæteraq. virtutum suarum merita  
quatuor Summorum Pontificum  
Iulij III. Marcelli II. Pauli IV. & Pij IV.

gratia

Apostolici Aerarij Fisci Procuratori  
vt prouinciæ, & muneris sibi commissi  
strenuè, prudenterq. ac maxima cum pietate  
administranti

singularis vitæ probitatis, egregiæ peritiæ, & eruditionis  
illius memoria conseruaretur  
hoc sibi monumentum

Nicolaus, & Antonius fratri amantissimo


non

# CCLVII.

non sine lacrymis, & mœrore posuere .

Vixit ann. XLVI. Mens. VIII. Dies XXVI.

Obijt Anno Sal. MDLXIV. Prid. Kal. Septembris .



**ANTONIUS CERRVS** Papiensis . Ex Ioanne Christophoro ( filio Ioannis Iacobi de Cerris , & Mariæ Galaratæ ) & Angela, Antoni- ni de Cataneis Mortariæ natus . In Papiensi Ciuitate iuridica lau- rea anno 1595. donatus, ibidem Iustiniani Institutiones penè ado- lescens, summa cum astantium admiratione , publicè professus est . Romam demigratus, ibi Aduocati munere perfunctus est tanta cum omnium laude, vt nedum primarius esse, & haberi meruerit, sed vni- co forsân exemplo, omniùm ferè Italiæ , Urbisq. Principum patroci- nio præfulserit : Hoc nomine Excellentissimæ Barberinæ Profapiæ, inter alias potissimùm addi- ctus erat, & apud Maphæum S.R.E. Cardinalem Barberinum, literatorum Mœcena- tem celeberrimum beneuolentiâ sibi pepererat, quando ad summi Apostolatus fastigium hic idem euectus, & Urbanus VIII. nuncupatus, statim, nempe die quinta Decembris 1623. Motu proprio, *Antonium* ( verba Breuis ) *Sanctitatis suæ Cubicularium secretum, licet uxoratum adhuc, Palatii Apostolici, & Aula Lateranensis Comitum, aurata Militia Equitem, nobilem Romanum, & Urbis Roma, omniumq. & singularum aliarum Ciuitatum, Terra- rum, & Locorum S.R.E. Ciuem* amplissimis cum priuilegijs , & exemptionibus, renuncia- uit : nec non eidem concessit, vt, *honoris causa, Insignia Gentis Barberina, siue integrè, siue cum suis composita, gestare possit* : & gratias gratijs addendo, ipsum Francisci Cardinalis, eiusdem Urbani ex Carolo fratre nepotis, omni eleganti eruditione perpoliti, proborumq. fautoris eximij, cui tunc totius Ecclesiastici Status cura incumberebat, generalem Audito- rem promulgauit . Mox Fausto Casarello anno 1624. ad S. Seuerinæ Archiepiscopatum promotus, Antonius vti Ciuis Ferrariensis inter sacri Consistorij Aduocatos ipsius Ponti- ficis munificentia sedit, a quo præconia huiusmodi in Motu proprio promeruit . *Nos vo- lentes dilectum filium Antonium Cerrum Ciuem Papiensem I. V. D. ex primarijs Romanæ Cu- ria Aduocatis, nostrum a Cubiculis verum, ac continuum Familiarem, & Commensalem, ac Reuerendissimi Francisci S. R. E. Cardinali Barberini nostri secundum carnem ex germano fra- tre nepotis Auditorem generalem, notum apud Nos de literarum scientia, vite, ac morum hone- state, alijsq. probitatis, & virtutum meritis multipliciter commendatum, horum intuitu fauore prosequi gratiofo &c.* Fiscij, Cameræq. Apostolicæ Aduocatus renunciatus, Spadæ iuniori successit . Mox vita functa Antonij vxore, inter vtriusque Signaturæ Referendarios, cum retentione Aduocationis Consistorialis, & Fiscij, Cameræq. Apostolicæ, die 14. Augusti 1632. adscriptus, & in sacra Rituum Congregatione Promotor Fidei pronunciatus . Post plurimos summis in Sedis Apostolicæ negocijs labores omni cum laude peractos, Con- gregationis super Confinibus Status Ecclesiastici Prælatus, a Secretis Contracedularum Cardinalis Vicecancellarij specialiter deputatus, varijsq. muneribus optimè perfunctus, tandem die prima Maij 1642. in Vrbe, maximo sui desiderio relicto, mortalitatem ex- pleuit . Vixerat Antonius Cerrus Iurisconsultus omnium consensu doctissimus, ingenij acumine, Iuriumq. peritia celeberrimus, & Senatus, Populusq. Romanus tertio Idus Aprilis eundem *Perillustrem* ( verba Priuilegij ) *Virum Antonium Cerrum I. V. D. Papien- sem, & in Romana Curia Aduocatum, rebus omnibus ornatissimum, ex prisca, & nobili Fa- milia de Cerris Papiensi oriundum, virtutis, integritatisq. nomine præstantem, deq. Romano nomine optimè, meritum, Romana Ciuitate donandum, inq. Senatorum Ordinem meritò coop- tandum censuit &c. quodq. tam ipse Antonius, quam omnes ab ipso venientes, Ciues, Nobiles, Patritijq. Romani, eodemq. iure essent, quo Ciues, Nobiles, Patritijq. Romani nati, decreuit .* Urbis verò Ferrariensis die 22. Decembris 1623. Ciuem suum paritèr esse voluit Anto- nium, cum omnibus suis filijs, ac descendentes, *attenta eiusdem generis dignitate, morum probitate, ingenij doctrina, fide, prudentia, & integritate in respondendo de iure, in legibusq. & iudicijs administrandis .* Ciuitas quoque Vrbeuetana Patria mea tanti fecit Antonium

Kk

Cerrum